

景定建康志卷之九

承直郎宜差充江南東路安撫使司幹辦公事周應合修纂

建康表五

起南齊建元己未至中興辛巳凡二十三年為年表

齊

太祖姓蕭諱道成字紹伯漢相國何二十四代孫宋元嘉四年丁卯歲生姿表英異龍顏鍾聲鱗文遍體年十三從雷次宗學於雞籠山

仕宋有功累遷自建康令至刺史冠軍將軍明帝常嫌太祖非人臣相且民間流言蕭姓當為天子愈以為疑會桂陽王休範反命太祖討平之百姓曰全國家者此公也蒼梧王兇暴猜忌欲加大禍陳太妃罵之曰蕭道成有功於國今若害之後誰為汝着力也乃止太祖謀殺蒼梧王而迎立汝陰王沈攸之之亂又討平之進太尉都督十六州諸軍事尋進揚州牧位相國總百揆封十郡為齊公備九錫位諸王公上未幾進爵為王宋帝禪位依魏晉故事即位改元自建元己未至中興辛巳七主都建康合二十三年而禪于梁

時

地

人

事

六、五十一

建康志卷九

太祖

高帝

建元

元年

己未

二月地震

建陽門三

月癸亥朔

二年

庚申

九月甲午
日有食之

夏四月甲午王即皇帝位于南郊還宮

大赦改元奉宋順帝為汝陰王築宮丹

楊置兵守衛之以褚淵為司徒淵固辭

不拜○河東裴顛上表數帝過惡帝怒

殺之○丁酉以張緒為中書令陳顯達

為中護軍李安民為中領軍○己未衛

士殺汝陰而以疾聞不罪不賞辛酉殺

宋宗室無少長皆死○封皇子鈞為衛

陽王立太子躋為皇太子○帝以建康

居民舛雜多姦盜欲立符伍以相檢括

右僕射王儉諫曰京師之地四方輻湊

必也持符於事既煩理成不曠謝安所
謂不爾何以為京師乃止
正月戊戌朔大赦○以司空褚淵為司
徒尚書右僕射王儉為左僕射淵辭不
拜○辛丑祀南郊○魏隴西公琛等攻
拔馬頭乙卯詔內外募嚴發兵拒魏○
徵南郡王長懋為中軍將軍鎮石頭○

臨川王映為

揚州刺史

十二月壬子

豫章王暹為

揚州刺史

三年

西

秋七月己未朔日有食之

四年

壬戌

五廿

建康志卷九

南郡王長

懋鎮石頭

改籬門為都墻。○十二月以司空褚淵為司徒。○嶷居青溪宅蒼梧王夜中微行欲掩襲宅內嶷令左右儻刀戟於中庭蒼梧從墻間窺見有備乃去。○沈攸之之難高帝入朝堂嶷出鎮東府加冠軍將軍及袁粲舉兵夕丹楊丞王遜告變先至東府嶷遣帳內軍王戴元孫二十人隨薛道深等俱至石頭正月詔王公卿士各進讜言。○三月封皇子鋒為江夏王。○六月壬子大赦。○詔修庠序選儒官進國胄。○正月壬戌詔置學生二百人以中書令張緒為國子祭酒。○三月庚申上召司空褚淵尚書左僕射王儉受遺詔輔太子。○壬戌上殂于臨光殿太子即位大赦。○乙丑以褚淵錄尚書事王儉為侍中尚書令車騎將軍張敬兒開府儀同三司。○丁卯以前軍王奐為尚書左僕射。○庚午以豫章嶷為太尉。○四月庚寅

武帝

諱躋太祖長子

永明元

年癸亥

二月熒惑

入太微

十一月乙巳

朔日有食之

李安人為丹豫章王嶷為太子太傅。○上疑車騎將

楊尹遷尚書

左僕射

軍張敬兒有異志會華林園設八座齋朝臣皆預於座收敬兒敬兒脫冠貂投地曰此物誤我也丁酉殺敬兒并其四子。○王儉進號衛將軍參掌選事

二年

甲子

王儉領丹

正月乙亥以後將軍柳世隆為尚書右僕射竟陵王子良為護軍將軍兼司徒。○壬寅以柳世隆為尚書左僕射。○冬十月乙巳以南徐州刺史長沙竟為中書監。○秋七月車駕幸青溪舊宮設金石樂在位者賦詩。○戊申幸元武湖。○正月辛卯祀南郊大赦。○詔復立國學。○釋奠先師用上公禮。○二月辛丑帝祭北郊。○先是置總明觀以集學士亦謂之東觀。上以國學既立夏五月乙未省總明觀時王儉領國子祭酒詔於儉宅開學士館以總明四部書充之。詔儉以家為府。○八月乙未幸中堂聽訟。

三年

乙丑

詔以新吳

侯景為丹楊尹。○正月辛亥耕籍田禮畢車駕幸閱武堂勞小會。

四年

丙寅

建康志卷九

疑進大司馬

戊子以豫章王疑為大司馬竟陵王子良為司徒臨川王映衛將軍王儉中軍將軍王敬則並加開府儀同三司。○三月戊子幸芳林園禊宴。○九月九日登商飈館。

五年

丁卯

儉加開府儀

同三司

王奐為丹

楊尹。○正月聽覽京師二百獄囚。○冬十月庚申立冬初臨太極殿讀時令。○閏月辛酉以尚書僕射王奐為領軍將軍。

六年

戊辰

儉卒

正月辛亥祀南郊大赦。○五月乙巳王儉卒。○甲子以尚書左僕射柳世隆為尚書令王奐為左僕射。○六月丁亥上如琅邪城。

七年

己巳

鄱陽王繹

晏為丹楊尹召王僧孺開功曹使撰東宮新記。○秋七月癸卯大赦。○荊州刺史巴東王子響赴建康蕭順之於射堂縊殺之。

八年

庚午

為丹楊尹

六月大雪而有黃光竟天照地狀如釜色十月桃李再花

五十七

九年

辛未

十年

壬申

都下大水

十二年

癸酉

六〇七

建康志卷九

四

五月己巳以竟陵王子良為揚州刺史徐孝嗣為丹楊尹

正月辛丑祀南郊。上夢太祖謂宋氏諸帝常在太廟從我求食可別為吾致祠乃命豫章王妃庾氏四時祠二帝二后於青溪故宅牲牢服章皆用家人禮。○都下大水竟陵王子良開倉振救貧病不能立者於第北立解收養給衣及藥。正月以竟陵王子良為尚書令子良開西邸招文學士僧孺與太學生虞義等並以善辭藻游焉。○十月甲午上殷祭太廟。正月以驃騎大將軍王敬則為司空。○初上於石頭造露車三千乘欲步道取彭城魏諜知之會公卿議南伐上以右衛將軍崔慧景為豫州刺史以備之。○丙戌文惠太子長懋薨。○夏四月甲午立南郡王昭業為皇太孫。○七月上不豫徙御延昌殿車輿始登堦而殿屋鳴咤上惡之。○上大漸竟陵王子良日侍醫藥太孫閒日參承王融謀立子良不

鬱林王

諱昭業武

帝太孫改

元隆昌四

月被弑

閏四月戊

辰西昌侯

鸞為揚州

刺史

果俄而上殂西昌侯鸞奉太孫登殿遺詔曰太孫進德日茂社稷有寄子良善相毗輔思宏治道內外政事無大小悉與鸞參決。○九月世祖梓宮下堵帝於端門內奉辭輶車未出端門亟稱疾還內甫入閣即奏胡伎鞞鐸之聲響震內外。○丙寅葬武皇帝於景安陵廟號世祖。正月丁未廢帝改元隆昌大赦。○西昌侯鸞將謀廢立引前鎮西諮議參軍蕭衍與同謀徵垣歷生為太子左衛率下白龍為游擊將軍二人並至續召子隆為侍中撫軍將軍。○辛亥鬱林王祀南郊。○戊午拜崇安陵。○廢帝自山陵之後即與左右微服遊走市里世祖聚錢上庫五億萬齋庫亦出三億萬金銀布帛不可勝計鬱林王即位未期歲所用垂盡鸞數陳爭帝多不從。○二月辛卯

海陵王

諱昭文鬱林王弟自新安王迎立改元延興十月廢

明帝

諱鸞始安貞王之子弒鬱林王廢海陵王而即位號高宗十月改元

帝祀明堂○四月戊子竟陵文宣王子良以憂卒○帝與中書令何允謀誅西昌侯鸞允依違諫說帝意復止是時蕭詵蕭坦之握兵權左僕射王晏總尚書事詵密召諸王典籤約語之不許諸王外接人物鸞以其謀告王晏晏聞之響應又告丹楊尹徐孝嗣孝嗣從之○王辰鸞使蕭詵先入宮遇曹道剛及中書舍人朱隆之皆殺之鸞引兵自尚書入雲龍門戎服加朱衣於上王晏徐孝嗣蕭坦之陳顯達王廣之沈文季皆隨其後帝在壽昌殿聞外有變猶密為手敕呼蕭詵俄而詵引兵入壽昌閣帝出延德殿行至西弄詵弒之輿尸出殯徐龍駒宅葬以王禮○癸巳以太后令追廢帝為鬱林王迎立新安王昭文○丁酉新安王即皇帝位以西昌侯鸞為驃騎大將軍錄尚書事揚州刺史宣城郡公大

十月丁酉

鸞為揚州

牧都督中

外諸軍事

進爵為王

赦改元延興○八月甲辰以司空王敬則為太尉鄱陽王鏘為司徒車騎大將軍陳顯達為司空尚書左僕射王晏為尚書令○九月癸酉鸞遣兵二千人殺司徒鄱陽王鏘及隨王子隆謝粲等○江州刺史晉安王子懋聞鄱陽隨王沒遂遣兵乙未鸞假黃鉞內外纂嚴遣中護軍王元邈討誅之○丁亥以廬陵王子卿為司徒桂陽王鑠為中軍將軍開府儀同三司○冬十月丁酉解嚴乃以宣城公鸞為太傅領大將軍揚州牧都督中外諸軍事加殊禮進爵為王○十月戊戌殺桂陽王鑠衡陽王鈞江夏王鋒建安王子真巴陵王子倫○辛亥太皇太后令曰嗣主冲幼庶政多昧早嬰疴疾弗克負荷太傅宣城王允體宣皇鍾慈太祖宜入承寶命帝可降封海陵王吾當歸別館且以宣城王為太祖

建武

元年

甲戌

五月甲戌朔日有食之

二年

乙亥

三年

丙子

五、六十六

四年

丁丑

永泰

元年

戊寅

建康志卷九

十一月癸

酉以婚安

王遙光為

揚州刺史

第三子癸亥高宗即皇帝位改元以太

尉王敬則為大司馬司空陳顯達為太

尉尚書令王晏加驃騎大將軍左僕射

徐孝嗣加中軍大將軍蕭詵為領軍將

軍○十一月庚辰立皇子寶義為晉安

王寶元為江夏王寶源為廬陵王寶寅

為建安王寶融為郡王寶攸為南平王

○戊午立皇子寶卷為太子○上詐稱

海陵恭王有疾遣御師瞻視因而隕之

六月壬戌上遊華林園與蕭詵及尚書

令王晏數人宴盡歡坐罷留詵晚出至

華林閣仗身執還入省上遣左右數詵

罪殺之○上又殺西陽王子明南海王

子罕邵陵王子貞○乙丑以右衛將軍

蕭坦之為領軍將軍○十二月丁酉詔

修晉帝諸陵增置守衛

十月戊寅太子寶卷冠

正月大赦○丙辰名王晏于華林園誅之○二月甲子以左僕射徐孝嗣為尚書令

正月癸未朔大赦○加中軍大將軍徐

孝嗣開府儀同三司○丁未殺河東王

鉉臨賀王子岳西陽王子文永陽王子

峻南康王子琳衡陽王子珉湘東王子

建南郡王子夏桂陽王昭粲巴陵王昭

秀於是太祖世祖及世宗諸子皆盡矣

○夏四月甲寅改元○丁卯大司馬會

稽太守王敬則舉兵反帥實甲萬人過

浙江張瓌遣兵三千拒敬則於松江聞

敬則軍鼓聲一時皆散走五月壬午敬

則攻興盛山陽二壘胡松引騎兵突其

後敬則軍大敗崔恭祖刺敬則仆地興

盛軍容袁文曠斬之乙酉傳首建康○

秋七月己酉上殂于正福殿○太子即

位○八月葬明皇帝于興安陵

揚州刺史

義為都督

巴陵王寶

東昏侯

諱寶卷字
智藏高宗
第二子

永元

元年

己卯

五九十八

建康志卷九

秋八月己巳

以右將軍

蕭坦之為

尚書右僕

射丹楊尹

正月戊寅朔大赦改元○辛卯祀南郊
○五月癸亥加撫軍大將軍遙光開府
儀同三司○帝自卽位寄腹心於江祚
兄弟祚欲廢帝立始安王遙光劉暄發
祚謀帝命袁之曠收祚并弟祀皆死○
始安王遙光素有異志與其弟荆州刺
史遙欣密謀舉兵據東府使遙欣自江
陵引兵急下刻期將發而遙欣病卒江
祚被誅遙光懼稱疾不復入臺帝慮遙
光不自安欲遷為司徒使還第召入論
旨遙光恐見殺於乙卯晡時收集二州
部曲於東府東門召劉渢劉晏等謀舉
兵以討劉暄為名夜遣數百人破東冶
出囚於尚方取仗又名驃騎將軍垣歷
生歷生隨信而至蕭坦之宅在東府城
東遙光遣人掩取之坦之踰牆走左將
軍沈約聞變馳入西掖門○丙辰詔曲
赦建康中外戒嚴徐孝嗣以下屯衛宮

七

遙光加撫

軍大將軍

開府儀同

三司遙光

反被斬

城蕭坦之帥臺軍討遙光蕭坦之屯湘
宮寺左興盛屯東籬門鎮軍司馬曹虎
屯青溪大橋眾軍圍東城三面燒司徒
府○己未坦歷生往南門出戰因棄稍
降曹虎虎斬之其晚臺軍以火箭燒東
北角樓城自潰遙光還小齋帳中令人
反拒齋閣皆重關左右並踰屋散出臺
軍主劉國寶等先入遙光聞外兵至滅
燭扶匄牀下軍人排閣入於暗中牽出
斬之○己巳以徐孝嗣為司空加沈文
季鎮軍將軍侍中僕射劉暄為領軍將
軍曹虎為散騎常侍右衛將軍皆賞平
始安之功也○江祚等既敗蕭坦之剛
狠而專嬖倖畏而憎之遙光死二十餘
日帝遣延明主帥黃文濟將兵圍坦之
宅殺之○茹法珍等譖劉暄有異志帝
殺之○帝疑曹虎舊將且利其財殺之
○壬戌以頗誅大臣大赦○徐孝嗣沈

晉安王寶義

文季沈昭畧謀因帝出遊廢立。十月乙未帝召孝嗣文季昭畧入華林省賜以藥酒皆死。十一月丙辰陳顯達舉兵於尋陽與朝貴書數帝罪惡云欲奉建安王為王須京塵一靜乃迎大駕。乙丑以護軍將軍崔慧景為平南將軍督眾軍擊顯達後軍將軍胡松帥水軍據梁山左衛將軍左興盛督前鋒軍屯杜姥宅。陳顯達發尋陽敗胡松於采石建康震恐。甲申軍於新林左興盛帥諸軍拒之顯達潛軍夜渡襲宣城。乙酉顯達以數千人登落星崗新亭諸軍聞之奔還宮城大駭閉門設守顯達與臺軍戰再合顯達大勝手殺數人馬稍折臺軍繼至顯達不能抗退走西州後騎官趙潭刺顯達墜馬斬之。豫州刺史裴叔業奉表降魏。正月庚午帝下詔討叔業。戊戌魏以彭城王

以司徒為揚

州刺史

二年

九

建康志卷九

八

庚辰

十二月廢十一月甲寅太白及辰星俱見西方

十二月蕭衍

為中書監大

司馬錄尚書

事驃騎大將

軍揚州刺史

建安郡公

為司徒鎮壽陽。二月乙卯帝遣崔慧景將水軍討壽陽帝屏除出琅邪城送之慧景至廣陵會諸軍主曰幼主昏狂朝廷壞亂危而不扶責在今日欲與諸君共建大功可乎眾皆響應廣陵司馬崔恭祖開門納之。壬子帝使左興盛督建康水陸諸軍以討之。慧景停廣陵二日收眾渡江慧景向建康臺遣驃騎將軍張佛護等六將據竹里為數城以拒之與慧景軍合戰臺軍饑困斬佛護徐元稱降餘四軍主。乙卯遣中領軍王瑩都督眾軍據湖頭築壘上帶蔣山西巖實甲數萬慧景至查礪竹塘人萬副兒因說慧景曰今平路皆為臺軍所斷不可議進唯宜從蔣山虎尾上出其不意耳慧景從之分遣千餘人魚貫緣山自西巖夜下鼓叫臨城中臺軍驚恐即時奔散帝遣左興盛帥臺內三

萬人拒慧景於北籬門興盛望風退走
 ○甲子慧景入樂遊苑崔恭祖帥輕騎
 十餘突入北掖門乃復出宮門皆閉慧
 景帥眾圍之於是東府石頭白下新亭
 皆潰左興盛不得入宮逃淮渚荻航中
 慧景擒殺之慧景燒蘭臺府署為戰場
 稱宣德太后令廢帝為吳王慧景欲立
 巴陵王昭胄猶豫不能決時蕭懿將兵
 在小峴帝遣使密告之懿即帥胡松李
 居士數千人自采石濟江頓越城臺中
 稱慶慧景遣崔覺將精兵數千人渡南
 岸懿軍昧旦進戰數合覺大敗赴淮死
 者二千餘人○夏四月癸酉慧景將腹
 心數人潛去欲北渡江單騎至蠡浦為
 漁人所斬以頭納鱸籃擔送建康○巳
 酉江夏王寶元伏誅○壬子大赦○六
 月乙丑曲赦建康○八月甲辰夜後宮
 火時帝出未還宮內人不得出外人不得

得輒開門及開門死者相枕燒二千餘
 間帝乃大起芳樂玉壽等諸殿窮極綺
 麗役者自夜達曉猶不副速崔慧景死
 懿為尚書令茹法珍等譖懿欲行隆昌
 故事○冬十月帝賜懿藥於省中懿死
 ○十一月雍州刺史蕭衍起義兵於襄
 陽○乙卯以南康王寶融教纂嚴又教
 赦囚徒施惠澤頒賞格○丙辰以蕭衍
 為使持節都督前鋒諸軍事○戊午衍
 勸南康王寶融稱尊號不許○壬辰夏
 侯亶自建康亡歸江陵稱奉宣德太后
 令南康王宣纂承皇祚方侯清宮未即
 大號可封十郡為宣城王相國荊州牧
 加黃鉞選百官西中郎府南康國如故
 正月丁酉東昏侯以晉安王寶義為司
 徒建安王寶寅為車騎將軍開府儀同
 三司○乙巳南康王寶融始稱相國大
 赦以蕭穎胄為左長史蕭衍為征東將

中興元

年辛巳

正月己巳長
星見竟天

五、六、七

建康志卷九

張瓌鎮

石頭

軍○戊申衍發襄陽○二月壬午東昏侯遣羽林兵擊雍州中外纂巖○甲申蕭衍至竟陵○乙巳南康王卽皇帝位于江陵以蕭穎胄爲尙書令蕭衍爲左僕射○乙酉加蕭衍征東大將軍都督征討諸軍事假黃鉞○七月衍命諸軍自郢州卽日上道緣江至建康○八月辛未東昏侯以光祿大夫張瓌鎮石頭○丙子衍至尋陽○辛巳東昏侯以太子左率李居士總督西討諸軍事屯新亭○九月乙未詔蕭衍若定京邑得以便宜從事衍留驃騎將軍鄭紹叔守尋陽與陳伯之引兵東下○甲申蕭衍前軍至蕪湖穎胄軍二萬人棄姑孰走衍進軍據之○蕭衍遣曹景宗進軍江寧○丙辰李居士自新亭選精騎一千至江寧景宗奮擊破之乘勝至皂箠橋於是王茂鄧元起呂僧珍進據赤鼻邏新

十

亭城主江道林引兵出戰衆軍禽之於陳衍至新林命王茂據越城鄧元起據道士墩陳伯之據籬門呂僧珍據白板橋李居士請於東昏侯燒南岸邑屋以開戰場自大航以西新亭以北皆盡○十月甲戌東昏侯遣征虜將軍王珍國軍主胡虎牙將精兵十萬餘人陳於朱雀航南宦官王寶孫持白虎幡督戰曹景宗呂僧珍等將士皆殊死戰東昏侯諸軍皆潰衍軍長驅至宜陽門陳伯之屯西明門○戊寅東昏寧朔將軍徐元愉以東府城降張瓌棄石頭命諸軍攻六門東昏燒門內營署官府驅逼士民悉入宮城閉門自守城中軍事悉委王珍國兗州刺史張稷入衛京師以稷爲珍國之副兗州中兵參軍張齊稷之腹心也珍國因齊密與稷謀廢東昏○十二月丙寅齊密令人開雲龍門珍國稷

引兵入殿御刀豐勇之爲內應東昏在
含德殿聞兵入趨出北戶欲還後宮門
已閉宦者黃泰平刀傷其膝仆地張齊
斬之稷召尙書右僕射王亮列殿前西
鍾下令百官署牋以黃油裹東昏首范
雲送詣石頭衍使張宏策先入清宮封
府庫及圖籍○己巳蕭衍以宣德太后
令追廢涪陵王爲東昏侯以衍爲中書
監大司馬錄尙書事驃騎大將軍揚州
刺史封建安郡公依晉武陵王遵承制
如故○癸酉以司徒揚州刺史晉安王
寶義爲大尉領司徒○己卯衍入闕武
堂○乙酉以護國將軍蕭宏爲中護軍

景定建康志卷之九

二百〇七

建康志卷九

七